



Vischnaunca
Tujetsch

Regulativ da fatschentaper il Bogn Sedrun

Approbada dalla suprastanza communal Tujetsch, ils 4 da mars 2024

Entrada en vigur ils 1 da schaner 2024

CUNTEGN

I. DETERMINAZIUNS GENERALAS		3
Art.1	Principi	3
Art.2	Egualitad dallas schlatteinas	3
Art.3	Intent	3
II. ORGANISAZIUN		3
Art.4	Organs	3
Art.5	Principis dall'organisaziun	4
III. INCARICA E CUMPETENZAS DALLA SUPRASTONZA COMMUNALA		4
Art.6	Suprastonza communal	4
IV. INCARICA E CUMPETENZAS DALLA DIRECZIUN		5
Art.7	Direcziun	5
Art.8	Dretg da suttascriber	6
V. INCARICA E CUMPETENZAS DIL MEINAFATSCHENTA		6
Art.9	Meinafatschenta	6
Art.10	Carnet da duers	6
VI. DETERMINAZIUNS FINALAS		7
Art.11	Surdada d'implonts	7
Art.12	Approbaziun	7
Art.13	Vigur	7

I. DETERMINAZIUNS GENERALAS

Art.1

Principi Il Bogn Sedrun ei tenor art. 57 dalla costituziun communal in menaschi accessori dalla Vischnaunca Tujetsch senza atgna personalitad giuridica. Il menaschi vegn menaus dalla vischnaunca e dispona d'in agen quen.

Art.2

Egualitad dallas schlatteinas Las indicaziuns davart personas, funcziuns e professiuns en quest regulativ serefereschon ad omisduas schlatteinas, aschilunsch ch'ei seresulta buca enzatgei auter ord il senn dil regulativ.

Art.3

Intent Il Bogn Sedrun porscha alla populaziun indigena ed als hosps la pusseivladad da sedivertir, far sport, sco per ex. senudar ni auters sports ell'aua, wellness ni da far diever dad autras purschidas el sector vital sco per ex. massaschas. Leutier porscha il Bogn Sedrun l'infrastructura per scolas e privats per scolaziun da senudar. Il Bogn Sedrun metta a disposiziun alla populaziun indigena ed als hosps l'infrastructura ed ils survetschs tenor principis economics. Prestaziuns publicas en favur dad uniuns e scolas vegnan indemnissadas tenor incarica.

II. ORGANISAZIUN

Art.4

Organs Ils organs dil Bogn Sedrun ein:

- La radunonza da vischnaunca
- La suprastonza communal
- La direcziun dil Bogn Sedrun

Art.5

Principis
dall'organisaziun

Il Bogn Sedrun ei da menar ed organisar tenor principis economic e da metter sin in stan tecnic e commercial-professional. In gudogn eventual ord il quen da menaschi cumpeta alla vischnaunca. Las deducziuns dallas investiziuns activadas succeda buca sur il quen da menaschi dil Bogn Sedrun, mobein sur quel dalla vischnaunca.

Las finamiras a liunga vesta ein da tener ils cuosts da menaschi aschi bass sco pusseivel e da tener constantamein ault la cefra d'occupaziun duront gl'entir onn. La suprastonza communal decide mintg'onn a caschun dalla tractaziun dil preventiv davart in preventiv per il Bogn Sedrun per mauns dalla radunonza da vischnaunca.

La Vischnaunca Tujetsch, sco proprietaria dil Bogn Sedrun, ei creditura dils emprests. Ils tscheins interns sin las investiziuns activadas sedrezzan tenor il regulativ per il menaschi financial dalla vischnaunca da Tujetsch (art. 40).

Igl onn da gestiun cuoza mintgamai naven dils 1 da schaner entochen ils 31 da december.

III. INCARICA E CUMPTENZAS DALLA SUPRSTONZA COMMUNALA**Art.6**

Suprastonza
communal

L'incarica e las cumptenzas dalla suprastonza communal sedrezzan tenor la costituziun communal, en special:

- a) survigilanza suprema dil Bogn Sedrun;
- b) approbar la strategia per il Bogn Sedrun;
- c) relaschar e midar il regulativ da menaschi
- d) deliberar tuttas fatschentas preliminaramein ch'ei da suttametter alla radunonza da vischnaunca;
- e) approbar il preventiv, il quen ed il rapport annual per mauns dalla radunonza da vischnaunca;

- f) eleger ni relaschar il persunal tenor la proposta dalla direcziun dil Bogn Sedrun;
- g) fixar la contribuziun procentuala annuala che vegn prestada al Bogn Sedrun ord las entradas dalla taxa da hosps;
- h) ulteriurs conclus che stattan tenor la costituziun communal en cumpetenzza dalla suprastanza communal
- i) survegilar l'administraziun ed il manteniment dallas immobilias che surveschan al menaschi

IV. INCARICA E CUMPETENZAS DALLA DIRECZIUN

Art.7

Direcziun

La suprastanza communal surdat il menaschi operativ alla direcziun che secumpona per ordinari dil genau, dil meinafatschenta sco era d'in luvrer dil Bogn Sedrun.

La direcziun exequescha las decisiuns dalla suprastanza communal. Ella prepara las fatschentas dil Bogn Sedrun che ston vegnir tractadas en suprastanza communal.

La direcziun ha il dretg da decider davart lavurs e reparaturas extraordinarias urgentas ch'ei necessarias per garantir il menaschi. En in tal cass ha la direcziun d'informar immediatamein la suprastanza communal.

Ils pensums dalla direcziun ein en special:

- a) far las preparativas e las propostas per l'elecziun dil persunal per mauns dalla suprastanza communal
- b) representar il Bogn Sedrun anoviars e coordinar la purschida strategica cun tiarzas personas (p.ex. outras interpresas turisticas etc.)
- c) discutir tut ils projects e tuttas damondas (en special la cunvegna da prestaziun) e far propostas per mauns dalla suprastanza communal

- d) preparar il quen annual per mauns dalla suprastanza communal
- e) preparar il preventiv per mauns dalla suprastanza communal
- f) elavurar il preventiv d'investiziun per mauns dalla suprastanza communal
- g) approbar reglaments interns da menaschi, sco carnets da duer, instrucziuns da survetsch etc.
- h) proponer credits excepziunals ordeifer il preventiv per mauns dalla suprastanza communal
- i) fixar ils temps d'avertura
- j) fixar purschidas ed ils prezis/las tariffas per las purschidas dil Bogn Sedrun

Art.8

Dretg da suttascriver Il gerau ha il dretg da suttascriver cun ina persuna dalla direcziun dil Bogn Sedrun.

V. INCARICA E CUMPETENZAS DIL MEINAFATSCHENTA

Art.9

Meinafatschenta Il meinafatschenta ei responsabels pil menaschi operativ dil Bogn Sedrun ed astga agir el rom dil preventiv annual, approbaus dalla radunonza da vischnaunca.

Art.10

Carnet da duers Las lavurs e cumpetenzas en detagl ein definidas el carnet da duers dil meinafatschenta dil Bogn Sedrun.

VI. DETERMINAZIUNS FINALAS**Art.11**

Surdada d'implonts La suprastonza communal sa surdar al meinafatschenta dil Bogn Sedrun l'administraziun d'auters implonts che surveschan ad in semegliont intent.

Art.12

Approbaziun La suprastonza communal ha approbau il regulativ da fatschenta dil Bogn Sedrun ils xx.

Art.13

Vigur Quest regulativ da fatschenta entra en vigur igl 1. da schaner 2024 e remplazza tal dils 1 da schaner 2010.